



UNIVERSITÄTS-
BIBLIOTHEK
PADERBORN

**R. P. Christiani Mayer E Societate Iesv, Diarivm
Meditationvm, De Præcipvis Vitæ Christi mysteriis**

Mayer, Christian

Coloniæ Agrippinæ, 1635

13. De Natura, proprietatibus, & incitamentis gaudij spiritualis

[urn:nbn:de:hbz:466:1-60091](#)

sub finem vitæ timeat ne deseratur
Deo, quem tota vita amavit, cum quo
vnum spiritus fuit: paueat qui nō amat.
Et eur non meritò amplum gloriæ ex-
pectet brauium, qui tot actibus chari-
tatis tota vita frequentatis conatus
fuit continuum gratiæ, quod est se-
men gloriæ in dies & horas acquirere
incrementum? Quanto cum gaudio
B. Virgo alijque Sancti charitate fer-
uentiores id in fine vitæ experti fue-
rint, æternumque experiantur? Vi-
nam & nos experiamur. Affectus ij-
dem.

XIII. *De Natura, Proprietatibus, & Incita-
mentis gaudij spiritualis.*

I. **E**xpende in quo consistat exerci-
tium gaudij spiritualis, videlicet
ut gaudeamus 1. de omnibus bonis
Dei intrinsecis, vti de eius infinita es-
sentia, perfectione, beatitudine, ama-
bilitate; & de bonis extrinsecis, vti de
omni laude, gratiarum actione, cultu,
obsequio, gloria ipsi à creaturis un-
quam redditâ, reddenda, & possibili
reddi. 2. De omnibus bonis naturæ,
gratiæ, gloriæ nobis, proximisque no-
stris tam comprehensoribus: quam
via-

viatoribus vñquam communicatis, & communicandis, quatenus ad maiore Dei gloriam cedunt. 3. De omni beneplacito Dei circa nos, omnes & omnia ordinantis, permittentis, præcipientis, quæ vult, sicut vult, quando vult, pro sua infinita sapientia. Quam excellens hic sit charitatis erga Deum affectus, quo cum exultatione gratulamur & fauemus illi bona omnia quæ habet; optamus & procurare desideramus quæ non habet; ac proinde quanto cum merito posset frequentari exemplo B. Virginis & Sanctorum, qui hoc exercitium inchoatū in via, nunc beatè continuant in patria. Affectus gaudij hic insinuatus eliciendus.

II. Quale debeat esse hoc gaudium, ut sit Deo gratius nobisque fructuosius. 1. Purum sit oportet quoad intentionē honoris, amoris, & beneplaciti Dei, non nostri temporalis aut æterni emolumenti, quod insinuat Apostolus, inquiens: *Gaudete in Domino semper, iterū dico gaudete.* Et Psalmista: *Lætamini in Domino & exultate iusti.* 2. Magnum quoad extensionem ad omnia prædicta obiecta; quoad intensiōnem graduum excedens longè omne humanum de bonis caducis gaudium;

Ecc 2

quoad

Phil. 4.
Psal. 31.

Quoad durationem continuum; & quoad desideria aeternum. 3. Forte & constans, inconcussum inter laeta & tristia perseverans. In quam excellenti gradu hoc tam perfectum gaudium habet B. Virgo, in quanto porrò excellentiori Christus Dominus ob tam claram Dei, diuinorumq; attributorum, beneficiorum sibi Electisq; collatorum & conferendorum, iustissimorum iudiciorum ac decretorum intuitionem: ob tam intensem eiusdem Dei insitè boni, perfecti, amabilis amorem, ob tam ardentem eius gloriae promouendæ, & beneplaciti complendi zelum? Zelus ad hunc eximum perfecti gaudi spiritualis gradum contendendi.

III. Incitamenta, quorum 1. sit,

quod Deus id unice à nobis exigat,

toties id nobis in Scripturis inculcans:

Ps. 99. & **Seruite Domino in latitia.** Letetur cor querentium Dominum.

104. **In omni dato hilarem**

Ecccl. 25. **fac vultum tuum.** Hilarem datorem dil-

2. Cor. 9. **git Deus.** 2. Quod suave sit medium

præcauendi, eludendi & superandi va-

rias tentationes, quas dæmones maxi-

mè ingruente iustitiae nocte ingerunt,

Iob. 40. yt insinuatur apud D. Iob, ubi dæmon

dicitur habitare sub umbra. Et apud

Psal. 103. Psalmistam: Posuit tenebras, & facta est

nox;

nox; in ipsa perransibunt omnes bestia syl-
ua. 3. Quod in operibus arduis & la-
boriosis faciendis minuat laborem &
tedium, & in ijsdem hilari animo fa-
ctis duplacet meritum, augeat præmi-
um, mireque insuper ædificet proxi-
mum, cum inhabitantis gratiæ Spiri-
tus sancti sit maximum signum. Quan-
to ergo desiderio anhelandum, quan-
to studio ad hoc spirituale mentis gau-
dium connitendum, quod Deus tam
ardenter desiderat, quod nobis, proxi-
misque tanta bona conciliat! Zelus
proficiendi in hoc sancto gaudio.

*De actibus & medijs gaudij spi-
ritualis.*

XIV.

I. **E**xpende quinam sint præcipui,
& quomodo perfectè exercendi
actus interni gaudij spiritualis, qua-
les sunt 1. Gaudere de incomprehen-
sibili Dei vnius in essentia, tñni in
personis excellentia & Maiestate, de
perfectionibus eius, infinitè perfectis,
immensitate, æternitate, infinitate,
potentia, sapientia, bonitate, iustitia,
misericordia, quæ re idem cum ipso
sunt; de inæstimabili eius beatitudine,
qua se infinitè comprehendit, amat,
Eee 3 seipso